

Na osnovu člana 21. stav (1) tačka 11), člana 22. tačka 11) i člana 62. Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 10., člana 11. i člana 23. stav (1) i stav (2) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15) i člana 32. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), Regulatorna komisija za energiju u Federaciji BiH - FERK je na I redovnoj sjednici održanoj 15.01.2018. godine donijela

ODLUKU

o izmjenama i dopunama Opštih uslova za isporuku električne energije

Član 1.

U Opštim uslovima za isporuku električne energije („Službene novine Federacije BiH“ broj 89/14), u članu 4. iza definicije „Operator distributivnog sistema“ dodaje se nova definicija koja glasi:

„Organizator skupine proizvodnih objekata znači zajedničkog predstavnika ili opunomoćenika više investitora koji svoje objekte grade u jednoj posebnoj zoni, a koji postupa na osnovu ugovora o njihovim međusobnim odnosima“.

Član 2.

U članu 4. u definiciji **Posebna zona** riječ „proizvođač,“ zamjenjuje se riječima „proizvodni objekat, skupina proizvodnih objekata“.

Član 3.

U članu 8. stav (1) iza tačke e) dodaje se nova tačka f) koja glasi:
„f) biti dio skupine proizvodnih objekata i unutar iste urediti međusobne odnose“.

Član 4.

Član 12. mijenja se i glasi:

„Član 12. (Standardi frekvencije)

- (1) Nazivna vrijednost frekvencije iznosi 50 Hz.
- (2) U normalnim pogonskim uslovima frekvencija se održava u granicama $\pm 0,1\%$ ($\pm 0,05$ Hz), a maksimalno odstupanje iznosi $\pm 0,2$ Hz.
- (3) U poremećenim uslovima pogona frekvencija se može mijenjati u rasponu od 47,5 do 49,8 Hz i od 50,2 do 51,5 Hz.“.

Član 5.

U članu 16. stav (1) datum „01.01.2017.“ zamjenjuje se datumom „01.01.2023.“.

Član 6.

U članu 17. iza stava (6) dodaje se novi stav (7) koji glasi:

„(7) Izuzetno od odredbi iz stava (1) ovog člana elektroenergetska saglasnost se može izdati i na zahtjev podnosioca koji ima pravni osnov za priključenje objekta.“

Član 7.

U članu 27. iza stava (9) dodaje se novi stav (10) koji glasi:

„(10) Investitor u smislu ovoga člana može biti i organizator skupine proizvodnih objekata.“.

Član 8.

Ova odluka stupa na snagu osmog dana od dana objavljivanja u „Službenim novinama Federacije BiH“.

Broj: 01-07-40-02/18
Mostar, 15.01.2018. godine

PREDSJEDNIK FERK-a
Jasmin Bešo